

家

書



本足曾文正公全集

乙亥二月

杜就田署

曾文正公家書卷一

道光二年（庚子歲）二月初九日

男國藩跪稟父親母親大人膝下

去年十二月十六日，男在漢口寄家信，付湘潭人和紙行，不知已收到否？後於廿一日在漢口開車，二人共僱二把手小車六輛，男占三輛，半行三百餘里至河南八里汊度歲。正月初二日開車，初七日至周家口，即換大車，僱三套篷車二輛，每套錢十五千文，男占四套，朱占二套。初九日開車，十二至河南省城拜客，就擋四天，獲百餘金。十六日起行，即於是日三更，趁風平浪靜，徑渡黃河，廿八日到京。一路清苦平安，天氣亦好，惟過年二天微雪耳。

到京在長都會館卸車。二月初一日移寓南橫街千佛庵，屋四間，每月賃錢四千文，與梅陳二人居住甚近。三人聯會，聞日一課，每課一賦，一詩贍真。初八是湯中堂老師大課題『智若禹之行水賦』，以『行所無事，則智大矣』爲韻詩題『賦得池面魚吹柳絮，行得「吹」字』。三月尚有大課一次，同年未到者不過一二。人梅陳二人皆正月始到。

岱雲江南山東之行無甚佳處，到京除償債外，不過存二三百金，又有八口之家。

男路上用去百金，刻下光景頗好。接家眷之說，鄭小珊現無

回信。伊若允諾，似儘安妥；如其不可，則另圖善計。

家中諸事都不墨念，惟諸弟讀書不知有進境否？須將所作文字詩賦寄二首來京。丹閣叔大作亦望寄示。男在京一切謹慎，家中儘可放心。

又稟者：大行皇后於正月十一日升遐，百日以內禁煙，髮期年禁燕會音樂。何仙槎年伯於二月初五日溘逝。是日，男在何家早飯，並未聞其大病，不數刻而凶問至矣。殯後，加太子太保銜。其次子何子毅，已於去年十一月物故。自前年出京後，同鄉相繼殂逝者，夏一卿、李高衢、楊寶筠、三主事、熊子謙、謝誦菴及何氏父子，凡七人，光景爲之一變。

男現慎保身體，自奉頗厚。季仙九師陞正詹，故浙江學政，初十日出京。廖廷夫師陞尚書，吳凱甫師任福建巡撫。朱師徐師璽，輒並已回南矣。

詹有乾家墨到京，竟不可用，以膠太重也。擬仍付回，或退或用隨便。

接家眷事，三月又有信回家中。信來須將本房及各親戚家附載詳明，堂上各老人須一一分敍，以煩瑣爲貴。謹此跪稟萬福。

金安。

道光二十一年(辛丑)四月十七日

祖父大人萬福金安:

四月十一日由摺差發第六號家信。十六日摺弁又到。孫男等平安如常。孫婦亦起居維慎。曾孫數日內添一頓喫粥。因母乳日少。飯食難喂。每日兩飯一粥。

今年散館湖南三人皆留。全單內共留五十二人。僅三人改部屬。三人改知縣。翰林衙門現已多至百四十人。可謂極盛。

琦善已於十四日押解到京。奉上諭派親王三人。郡王一人。軍機大臣。大學士。六部尚書。會同審訊。現未定案。

梅霖生同年。因去歲咳嗽未愈。日內頗患咯血。同鄉各京官宅皆如故。

澄侯第三月初四在縣城發信。已經收到。正月廿五信至今未接。翻閱以何時分娩是男是女。伏望下次示知。

楚善八叔事。不知去冬是何光景。如絕無解危之處。則二伯祖母將窮迫難堪。竟希公之後人將見笑於鄉里矣。孫國藩去冬已寫信求東陽叔祖兄弟。不知有補益否。此事全求祖父大人作主。如能救焚拯溺。何難。嘘枯回生。伏念祖父平日積德累仁。致難濟急。所知者已難指數。如周昌一之托。上連叔之妻。彭定石之子。福晉叔祖之母。及小羅莽樟樹堂各施。皆代爲籌畫。曲加矜恤。凡他人所束手無策。計無復之者。得祖父善爲調停。旋乾轉坤。無

不立卽解。危而況楚善八叔。同胞之親。萬難之時乎。

孫因念及家事。四千里外杳無消息。不知同堂諸叔目前光景。又念家中此時亦甚艱窘。輒敢冒昧饒舌。伏求祖父大人寬宥。無知之罪。楚善叔事。如有設法之處。望詳細寄信來。京。茲逢摺便。敬稟一二。卽跪叩祖母大人萬福金安。

男國藩跪稟。父。親大人萬福金安。

道光二十一年五月十八日

自閏三月十四日在都門拜送父親。嗣後共接家信五封。十五日接四弟在蓮溪所發信。係第二號。始知正月信已失矣。廿二日接父親在廿里舖發信。四月廿八已刻接在漢口寄曹穎生家。信申刻又接在汴梁寄信。五月十五接父親到長沙發信。——內有四弟信。六弟草文五首。——諸悉祖父母大人康強。家中老幼平安。諸弟讀書發奮。並喜父親出京。一路順暢。自京至省僅三十餘日。真極神速。

明於閏月十六發第五號家信。四月十一發六號。十七發七號。不知家中均收到否。實際人身體如常。每夜早眠。起亦漸早。惟不耐久思。思多則頭昏。故常冥心於無用。優游湖養。以謹守父親保身之訓。

九弟功課有常。禮記九本已點完。藝已看至三國。斯文精萃詩文。各已讀半本。詩略進功。文章未達。功亦不求速效。觀其領悟。已有心得。大約手不從心耳。

甲子於四月下旬能行走，不須扶持，尙未能言，無乳可食，每日一粥兩飯。家婦身體亦好，已有夢熊之喜。婢僕皆如故。今年新進士龍翰臣得狀元，係前任湘鄉知縣見田年伯之世兄。同鄉六人得四庶常。覆試單已於閏三月十六付回。茲又付呈殿試朝考全單。

同鄉京官如故。鄭莘田給諫服闋來京。梅霖生病勢沈重，深

爲可慮。黎樹喬老前輩處，父親未去辭行，男已道達此意。

廣東之事，四月十八得捷音，茲將抄報付回。

男等在京自知謹慎，堂上各老人不必挂懷。

家中事，蘭姑去年生育，是男是女，楚善事如何成就？伏望示知。男謹稟。即請母親大人萬福金安。

道光二十一年六月初七日

孫男國藩跪稟祖父大人萬福金安。

五月十八日，孫在京發第八號家信，內有六弟文三篇，廣東

事抄報一紙，本年殿試朝考單一紙，寄四弟、第六弟新舊信二封，絹寫格言一幅，孫國荃寄呈文四篇，詩十首，字一紙，呈堂上稟三紙。

寄四弟信一封，不審已收到否？
悉一切不勝欣慰。

孫國藩日內身體平安。國荃於廿三日微受暑熱，服藥一帖，次日即愈。初二日復患腹瀉，服藥二帖，即愈。曾孫甲三於廿三日

腹瀉不止，比請鄭小珊診治，次日添請吳竹如，皆云係脾虛而兼受暑氣。三日內服藥六帖，亦無大效。廿六日添請本京巨醫專服涼藥，漸次平復。初一二兩日未吃藥，刻下病已全好。惟脾元尚虧，體尚未復。孫等自知細心調理，觀其行走如常，飲食如常，不吃藥即可復體。堂上不必挂念。家婦身體亦好，婢僕如舊。

同鄉梅霖生病，於五月中旬日日加重，十八日上牀，廿五日子時仙逝。胡雲閣先生亦同日同時同刻仙逝。梅霖生身後一切

事宜，係陳岱雲、黎月喬與孫三人料理。戊戌同年賄儀共五百兩。

吳致甫夫子（戊戌總裁）進京，贈賄百兩。將來一概共可張羅千餘金。計京中用費及還柩回南途費，不過用四百金，其餘尙可

周恤遣孤。

自五月下旬以至六月初，諸事殷繁，至孫亦未得讀書。六弟前寄文來京，尙有三篇，孫未暇改。

廣東事已成功，由軍功陞官及戴花翎監翎者共二百餘人。將上諭鈔回前半節，其後半載陞官人名，未及全錄。

昨接家信，始知楚善八叔竹山，灣田已於去冬歸祖父大人承買。八叔之家稍安，而我家更窘迫，不知祖父如何調停。去冬今

年如何設法？望於家信內詳示。

孫等在京別無生計，大約冬初即須借賑，不能備仰事之資。寄回，不勝愧悚。

吳春岡分發浙江，告假回江南，七月初起程，餘容續稟。

卽稟祖父母大人萬福金安。孫跪稟。

道光二十一年六月廿九日

孫男國藩跪稟祖父大人萬福金安：

六月初七日發家信第九號。廿九日早接丹閣十叔信，係正月二十八日發始知祖父大人於二月間體氣違和三月已全愈，至今康健如常，家中老幼均吉，不勝欣幸。

四弟於五月初九寄信物於彭山屺處，至今尚未到，大約七月可到。

丹閣叔信內言去年楚善叔田業賣與我家承管，其中曲折甚多，添梓坪借錢三百四十千，其實祇三百千外四十千係丹閣叔兄弟代出。丹閣叔因我家景況艱窘，勉強代楚善叔解厄，將來受累不淺，故所代出之四十千，自去冬至今，不敢向我家明言，不特不敢明告祖父，卽父親叔父之前渠亦不敢直說。蓋事前說出，則事必不成，不成則楚善叔逼追無路，二伯祖母奉養必闕，而本房日見凋敗，終無安靜之日矣。事後說出，則我家既受其累，又受其歎，祖父大人必怒渠更無辭可對，無地自容，故將此事寫信告知孫男，託孫原其不得已之故，轉稟告祖父大人。現在家中艱難，渠所代出之四十千，想無錢可以付渠。八日心齋兄南歸，孫擬往走江南回故也。

孫此刻在京光景漸窘，然當京官者大半皆東扯西支，從

無充裕之時，亦從無凍餓之時，家中不必繫懷。

孫現經管長都會館事，公項存件亦已無幾。

孫目內身體如恒，九弟亦好。甲三自五月廿三日起病，至今雖全愈，然十分之中尚有一二分未盡復舊。刻下每日吃炒米粥二餐，泡凍米吃二次，乳已全無，而伊亦要吃。據醫云：『此等乳最不養人。』因其夜哭甚，不能過斷乳。從前發熱煩躁，夜臥不安，食物不化，及一切諸患，此時皆已去盡。日日嬉笑好吃。現在尙服補脾之藥，大約再服四五帖，本體全復，即可不藥。孫婦亦感冒三天，鄭小珊云：『服涼藥後，須略吃安胎藥。』日下亦健爽如常。甲三病時，孫婦曾於五月廿五日跪許裝修家中觀世音菩薩金身，求病愈了。今年酬願，又言西沖有壽佛神像，祖母曾叩許裝修，亦係爲甲三而許，亦求病愈，今年酬願。

梅霖生身後事辦理頗如意，其子可於七月扶櫬回南。同鄉各官如常。

家中若有信來，望將王季五家光景寫明，補此謹稟。父母大人萬福金安。

道光二十一年八月初三日

男國藩跪稟父親大人萬福金安。

五月十八日發家信第八號，知家中已經收到。

六月初七發第九號，內有男皇祖父稟一件，國荃寄四弟信一件；七月初二發第十號，內有黃芽白菜子不知俱已收到否？

男等接得父親歸途三次信：一係河間廿里鋪發，一汎梁城

發，一武昌發；又長沙發信亦收到。六月廿九接丹閣叔信。七月初

九彭山屺到京，接到四弟在省所寄經世文編一部、慎詒堂四書

周易各一部、小皮箱三口（有布套）、龍鬚草席一牀、信一件；又叔父手書得悉一切；譜已修好，楚善叔事已有成局。彭山屺處兌錢四十千文外，楚善叔信一件、岳父信一件。七月廿七日接到家信二件：一係五月十五在家寫，一係六月廿七在省寫。外歐陽牧雲信、一曾香海信、一心齋家信、二荆七信，俱收到。

彭山屺進京道上爲雨泥所苦，又值黃河水漲，渡河時大費力，行李衣服皆濕。惟男所寄書渠收貯箱內全無潮損，真可感也！到京又以臘肉蓮菜送男，渠於初九晚到，男於十三日請酒，十六日將四千錢交楚渠。於十八日暫住黑市離城十八里，係武會試進場之地，男必去送考。

男在京身體平安。國蒼亦如常。男婦於六月廿三四感冒，服藥數帖全愈；父服安胎藥數帖。孫紀澤自病全愈後，又服補劑十

餘帖，辰下體已復元。每日行走歡呼，雖不能言，已無所不知。食粥一大碗，不食客物。僕婢皆如常。周貴已薦隨陳雲心回南，其人蠢而貪恩。蕭祥已跟別人，男見其老成，加錢呼之復來。男日下光景漸窘，恰有奉銀接續，冬下又望外官例寄炭資。今年尚可勉強支持，至明年則更難籌畫。借錢之難，京城與家鄉相仿，但不勒追強逼耳。前次寄信回家，言添梓坪借項內，松軒叔

兄弟實代出錢四十千，男可寄銀回家完清此項。近因完彭山屺項，又移徙房屋，用錢日多，恐難再付銀回家。

男現看定屋在繩匠胡同北頭路東，準於八月初六日遷居。初二日已搬一香案去，取吉日也。棉花六條胡同之屋，王翰城言冬間極不吉，且言重慶下者不宜住，三面懸空之屋，故遂遷移繩匠胡同房。每月大錢十千收拾，又須十餘千。

心齋借男銀已全楚渠家中付來銀五百五十兩，又有各項出息，渠言尙須借銀出京，不知信否？

廣東事前已平息，近又傳聞異辭。參贊大臣陸文已病死，楊芳已告病回湖南。七月間又奉旨派參贊大臣特依願往廣東查辦。八月初一日又奉旨派李明往天津哈爾阿往山海關。黃河於六月十四日開口汎梁，四面水圍，幸不流城。七月十六日奉旨派王鼎慧成往河南查辦。現聞泛溢千里，恐其直注洪澤湖，又聞將開捐，名豫工，例辦河南工程也。

男已於七月留穀。

楚善叔有信寄男，係四月寫，備言其苦。近聞衡陽田已賣，麻可勉強度日。戊戌冬所借一千二百，男曾言幫他，曾稟告叔父，未稟祖父大人，是男之罪，非渠之過。其餘細微曲折，時時不明，買時獨買，叔父信不甚詳明。楚善叔信甚詳，男不敢盡信。總渠渠但免債主追逼，即是好處。第目前無屋可住，不知何處安身？若萬一老親幼子棲託無所，則流離四徙，尤可憐憫！以男愚見，可仍使

渠住近處，斷不可住衡陽。求祖父大人代渠謀一安處。若有餘資，則佃田耕作。又求父親寄信問朱堯階，備言楚善光景之苦與男關汗之切，問渠所營產業可佃與楚善耕否。渠若允從，則男另有所求。

堯階粗穀須格外從輕。但路太遠，至少亦須耕六十畝方可吃了。

嚴麗生在湘鄉不理公事，簫蓑不飭，聲名狼藉，如今有真實劣蹟，或有上案，不妨鈔錄付京，因有御史在男處查訪也，但須機密。

四弟六弟考試不知如何行不足，失不足，憂，總以發墮讀書爲主。史官日看不可間斷。九弟閱易知錄，現已看到隋朝溫。

經領先窮一經，一經通後，再治他經，切不可兼營並驚，一無所得。厚。總以熟爲主，每日讀詩一首。右請裏父母親大人萬福金安。

道光二十二年八月十七日

男國藩跪稟父母親大人萬福金安：

八月初三日，男發家信第十一號，信甚長，不審已收到否？十

四日接家信內有父親叔父並丹閣叔信各一件，得悉丹閣叔入泮，且堂上各大人康健，不勝欣幸。

男於八月初六日移寓繩匠胡同北頭路東，屋甚好，共十八間，每月房租京錢二十千文。前在棉花胡同房甚偏仄，此時房屋夷，氣象軒敞。男與九弟言，恨不能接堂上各大人來京住此。

甲三自病體復元後，日見肥壯，每日歡呼，精神不倦。家婦亦如恒。九弟禮記讀完現讀周禮。

心齋兄於八月十六日男向渠借錢四十千付至家用。渠允於到湘鄉時送銀廿八兩交勤七叔處，轉交男家，且言萬不致誤。男訂待渠到京日償還其銀，若到家中不必還他。

又男寄冬榮一隻，朱堯階諱屏一付，在心齋處。多榮託交勤七叔交送至家。諱屏託交朱鵬山轉寄。

香海遍月內準有信去。士雖闕邊去多有信去，至今無回信，殊不可解。

顏字不宜寫白摺，男擬改臨褚柳。

去年跪託叔父大人之事，承已代竟一具，感戴之至，泥首萬拜！若得再覓一具，即於今冬明春辦就更妙。敬謝叔父，另有信函在京，一切自知謹慎。男跪稟。

道光二十二年八月十七日

姪國藩敬稟叔父大人侍下：

本年家信三號，正月一號，至今尚未收到。由彭大峯寄之信，

七月初九收到。七夕所發之信，八月十四收到。欣悉家中一切，三月之事，本姪分所當爲，情所不得已，何足挂齒！

前年跪託之事，蒙在澧前買得頂好料一具，姪謹率弟國荃南望拜謝，感懷難名。更求再買一具，即於今冬明春請木匠辦就。

其所需之錢，望寫信來。京姪可覓便付回。一切經營費心，何能圖報！

嫡母之病全愈，不知是何光景？曾否服藥？尙有不時言笑否？若有信來，望詳細示知爲幸。肅此恭請叔父母大人萬福金安。姪率弟國荃謹稟。

道光二十一年九月十五日

男國藩跪稟父母親大人萬福金安：

八月十四接家信三件，內係得父親信、叔父信、一丹閣叔信。十八日男發家信第十二號，不知已收到否？男等在京身體平安。甲三母子如常。惟九弟泊思南歸，不解何故。自九月初間，即言欲歸。男始聞駭異，再四就詢，終不明言。不知男何處不友，遂爾開罪於弟，使弟不願同居。男勸其明白陳辭，萬不可蘊藏於心，稍生猜疑。如男有不是，弟宜正容責之，婉言導之，使男改過自頤。再三勸諭，弟終無一言。如男全無過愆，願歸侍定省，亦宜寫信先告知父親，待回信到時，家中諭令南歸，然後擇伴東裝，尙未爲晚。

英夷在浙江滋擾日甚。河南水災，豫楚一路飢民甚多，行旅大有戒心。胡詠芝前輩扶櫈南歸，行李家眷，僱一大船，頗挾重資，聞昨已被搶，切言之可憐！

值道上不甚恬謐之際，兼此數者，男所以大不放心。萬萬不令弟歸。即家中聞之，亦萬萬放心不下。男現在苦留九弟在此，弟若婉從，則讀書如故。半月內，男又有稟呈。弟若執拗不從，則男當責以大義，必不令其獨行。

自從閏三月以來，弟未嘗片語違忤，男亦從未加以詞色。兄弟極爲淮樂，茲忽欲歸，男疑饑難安，展轉思維，不解何故。男萬難辭咎。父親寄諭來京，先責男教養不盡職，待弟不友愛之罪，後責弟少年無知之罪。弟當幡然改悟。男教訓不先，鞠愛不切，不勝戰慄。待罪之至，伏望父母親俯賜懲責，俾知悛悔，遵守斷不敢怙過節，非致兄弟仍稍有嫌隙。

男謹稟告家中，望無使外人聞知，疑男兄弟不睦。蓋九弟不過堅執，實無絲毫怨男也。男謹稟。

道光二十一年十月十九日

男國藩跪稟父母親大人萬福金安：

十月十七日，接奉在縣城所發手諭，知家中老幼安吉，各親戚家並皆如常。七月廿五由黃恕皆處寄信，八月十三日由縣附信寄摺，差皆未收到。男於八月初三發第十一號家信，十八發第十二號，九月十六發第十三號，不知皆收到否？

男在京身體平安。近因體氣日強，每天發奮用功，早起溫經，早飯後讀廿三史，下半天閱詩古文。每日共可看書八十頁，皆過

曾文正公家書 卷一

八

筆箇點。若有就閣，則止看一半。九弟體好如常，但不甚讀書。前八月一旬迫切思歸，男再四勸慰，詢其何故。九弟終不明言，惟不讀書，不肯在上房共飯。男因就弟房二人同食，男婦獨在上房飯。九月一月皆如此。弟待男恭敬如常，待男婦和易如常。男夫婦相待亦如常，但不解其思歸之故。

男告弟云：『凡兄弟有不是處，必須明言，萬不可善疑於心。如我有不是，弟當明爭婉諭。我若不聽，弟當寫信稟告堂上。今欲一人獨歸，浪用途費，錯過光陰，道路艱險，爾又年少無知，祖父母父母聞之，必且食不甘味，寢不安枕。我又安能放心？是萬萬不可也。』等語。又寫書一封，詳言不可歸之故，共二千餘字。又作詩一首，示弟。弟微有悔意，而尙不讀書。

十月初九，男及弟等恭慶壽辰。十一日，男三十初度，弟具酒食，肅衣冠，爲男祝賀。嗣是復在上房，四人共飯，和好無猜。

昨接手諭，中有示荃男一紙，言『境遇難得，光陰不再』等語。弟始愧悔，讀書。男教弟千萬言，而弟不聽。父親教弟數言，而弟遽恐惶改悟，是知非弟之咎，乃男不能友愛，不克修德化導之罪也。伏求更賜手諭責男之罪，俾男得率教改過，幸甚！

男婦身體如常。孫兒日見結實，皮色較前稍黑，尙不解語。男自六月接資會館公項，每月收房租大錢十五千文。此項例聽經管支用，俟交卸時算出，不算利錢。男除用此項外，每月僅用銀十一、二兩，若稍省儉，明年尙可不借錢。比家中用度較奢華。

祖父母父母不必懸念。男本月可補國史館協修官。此輪次挨派者。

英夷之事，九月十七大勝，在福建臺灣生擒夷人一百三十三名，斬首三十二名，大快人心。

許吉齊師故甘肅知府同鄉何宅盡室南歸，餘俱如故。同鄉京官現僅十餘人。敬呈近事，餘容續稟。男謹稟。

又呈附錄詩一首云：

松柏翳危巖，鴟鴞相鉤帶。兄弟匪他人，患難亦相賴。行酒烹肥羊，嘉賓填門外。喪亂一以聞，寂寞何人會。維鳥有鶩，維獸有狼狽。兄弟審無猜，外侮將予奈。願爲同岑石，無爲水下瀨。水急不可饑，石堅猶可礮。誰謂百年長，倉皇老大。我邁即斯征，辛勤共蠶織。來世安可期，今生勿玩悵。

孫男國藩，國蒼跪稟，祖父母大人萬福金安。

道光二十一年十一月十九日

舉唐君帶至湘鄉縣城羅宅，大約新正可到。

十五日戌刻，孫婦產生一女。是日孫婦飲食起居如故。更初始作勢，更即達旦，極爲平安。寓中所僱僕婦，因其刁悍，已於先兩日遣去，亦未請穩婆。其斷臍洗三諸事，皆孫婦親自經手。曾孫甲三於初十日傷風，十七日大愈，現已復元。係鄭小珊醫治。孫等在京身體如常。同鄉李碧峯在京孫憐其窮苦無依，接在宅內居。

住，新年可代伊找館也。謹稟。

道光二十一年十二月二十一日

男國藩跪稟父母親大人萬福金安：

男國藩國荃跪稟父親大人萬福金安：

嗣後家中信來，四弟六弟各寫數行，能寫長信更好。男謹稟。
道光二十二年正月初七日

十一月十八男有信寄呈，寫十五日生女事，不知到否？昨十二月十七日奉到手諭，知家中百凡順遂，不勝欣幸！

男等在京身體平安，孫男孫女皆好。現在共用四人，荆七專抱孫，男以奉母事多，不能兼顧也。孫母每旦清早與男同起，即送外出，夜始接歸上房。孫女滿月，有客一席。

九弟讀書，近有李碧峯同居，較有樂趣。男精神不甚好，不能勤教，亦不督責。每日兄弟語笑歡娛，蕭然自樂。九弟似有進境，茲將昨日課文原稿呈上。

男今年過年，除用去會館房租六十千外，又借銀五十兩。前

日冀望外間或有炭資之賄，今冬乃絕無此項。

聞今年家中可盡完舊債，是男在外有負累，而家無負累，此最可喜之事。岱雲則南北負累時常憂貧，然其人忠信篤敬，見信於人，亦無窘迫之時。

同鄉京官俞岱青先生告假，擬明年春初出京。男有乾鹿肉託渠帶回。杜蘭溪周華甫告擬送家眷出京。岱雲約男同送家眷，男不肯送，渠謀亦中止。

彭山屺出京，男爲代借五十金，昨已如數付來。心齋臨行時，送銀廿八兩至勤七叔處轉交我家，不知能踐言否？

去年十二月廿一日發平安信第十七號，內呈家中信六件，寄外人信九件，不知已收到否？男與九弟身體清吉，家婦亦平安。孫男甲三體好，每日吃粥兩頓，不吃零星飲食，去冬已能講話。孫女亦體好，乳食最多，合寓順適。今年新正景象陽和，較去年正月甚為煥煥。茲因俞岱青先生南回，付鹿脯一方，以爲堂上大人甘旨之需。鹿肉恐難寄遠，故燒臘附回。此間現燒有臘肉、猪舌、豬心、臘魚之類，與家中無異。如有便附物來京，望附茶葉大布而已。茶葉須託朱堯階清明時在永豐買，則其價亦廉。茶葉亦好。家中之布，附至此間，爲用甚大；但家中費用窘迫，無錢辦此耳。

同縣李碧峯苦不堪言，男代爲張羅，已覓得館，每月學俸銀三兩，在男處將住。三月所費無幾，而彼則感激難名。館地現尚未定，大約可成。

在京一切自知，慎憚。卽請父母親大人萬福金安。

道光二十二年正月十八日

男國藩跪稟父母親大人萬福金安：

新正初七日，男發第一號家信，並鹿脯一方，託俞岱青先生交彭山屺轉寄，不知到否？去年腊月十九發家信，內共信十餘封，想已到矣。初七日信係男荃代書。初八早，男兄弟率合寓上下焚

曾文正公家書 卷一

香就醫。下半天至弟患病，發熱畏寒，遍身骨節痛，脅氣疼痛。次早，

請小珊診，係時疫症。連日服藥，現已大愈。

小珊云：『凡南人體素陰虛者，入京多患此症。』從前彭

樓夫婦皆患此症。羅蘇溪勞辛陪鄉小珊周華甫亦曾有此病。男

庚子年之病亦是此症。其治法，不外滋陰祛邪二著兼顧。

九弟此次之病，又兼肝家有鬱，胃家有滿，故病勢來得甚速。

自初八至十三，脅氣疼痛呻吟之聲震屋瓦。男等日夜惶懼。初九，

即請吳竹如醫治。連日共請四醫，總以竹如爲主。小珊爲輔。十四

日脅痛已止，肝火亦平。十五日能食粥。日減日退。現在微有邪

熱在胃。小珊云：『再過數日邪熱全盡，即可服補劑。本月盡當可

復體還元。』

男自己亥年進京，庚子年自身大病，辛丑年孫兒病，今年九

弟病，仰託父母父母福陰，皆保萬全，何幸如之！因此思丁酉春

祖父之病，男不獲在家伏侍，至今尚覺心悸。

九弟意欲於病起復體後歸家，男不敢復留。待他全好時，當

借途，擇良伴令其南歸。大約在三月起行。

英逆去秋在浙滋擾，冬間無甚動作。若今春不來天津，或來

而我師全勝，使彼片帆不返，則社稷蒼生之福也！

黃洲決口，去歲動工，用銀五百餘萬，裝已告竣，賸底又復決

口。湖北崇陽民變，現來調兵剿辦，當易平息。餘容續稟。男謹呈。

道光二十二年十二月二十四日

男國藩跪稟父母親大人萬福金安：

正月十七日發第二號家信，不知已收到否？男身體平安。

女婿亦如常。九弟之病，自正月十六日後，日見強旺。二月一日開葷，現已全復元矣。二月以來，日日習字，甚有長進。男亦常習小楷，以爲明年考差之具。近來改臨智永千字文帖，不復臨顏柳二家帖，以不合時宜故也。孫男身體甚好，每月佛達歡呼，曾無歇息。孫女亦好。

浙江之事，聞於正月底交戰，仍爾不勝。去歲所失寧波府城定海鎮海二縣，城守未收復。英夷滋擾以來，皆漢奸助之爲虐。此輩食毛踐土，喪盡天良，不知何日罪惡貲盈，始得衆而殲滅。

湖北崇陽縣遭賊，鍾人杰爲亂，攻占崇陽通城二縣。裕制軍卽日撲滅，將鍾人杰及逆黨擒送京師，正法餘孽俱已搜盡。鍾逆倡亂不及一月，黨羽姻屬皆伏天誅。

黃河去年決口，早已合龍，大功告成矣。

九弟前病中思歸，近因難覓好伴，且聞道上有虞，是以不復作歸計。弟自病好後，亦安心不甚思家。

李碧峯在寓，住三月，現已找得館地，在唐同年李杜家教書。

每月俸金二兩，月費一千。

男於二月初配丸藥一料，重三斤，約計費錢六千文。

男等在京謹慎，望父親母親大人放心。男謹稟。

道光二十二年三月十一日

男國藩跪稟父母大人萬福金安：

二月廿三日發家信第三號，不知已收到否？正月所寄鹿脯，想已到。三月初奉大人正月十二日手諭，具悉一切。又知附有布疋臘肉等在黃第牌處，第不知黃氏兄弟何日進京，又不知家中係專人送至省城抑託人順帶也？

男在京身體如常。男婦亦清吉。九弟體已復元。前二月間，因其初愈，每日只令寫字養神。三月以來，仍埋舊裝，依去年功課，未眼補綉。男分丸藥六兩與他吃，因年少不敢峻補。孫男女皆好擬於三月間點牛痘。此間牛痘局係廣東京官請名醫設局積德，不索一錢，萬無一失。

男近來每日習帖，不多看書。同年邀爲試帖詩課，十日內作

詩五首，用白摺寫好公評以爲明年考差之具。又吳子序同年，有兩弟在男處附課看文。又金臺書院每月月課，男亦代人作文。因久荒制藝，不得不略爲溫習。

此刻光景已窘，幸每月可收公項房錢十五千外，些微挪借，即可過度。京城銀錢比外間究爲活動。家中去年澈底澄清，餘債無多，此真可喜。

惠殊僅存錢四百，以二百在新客食租，不知住何人屋？負薪汲水，又靠何人？率五素來文弱，何能習勞？後有家信，望將惠妹家事增細詳書。餘容後稟。男謹呈。

道光二十二年四月二十七日

孫男國藩跪稟父母大人萬福金安：

三月十一日發家信第四號，四月初十廿三發第五號第六號。後兩號皆寄省城陳家，因寄有銀錢筆帖等物，待諸弟省時當面去接。四月廿一日接壬寅第二號家信，內祖父父親叔父手書

兩弟信並詩文俱收。伏讀祖父手諭字迹與早年相同，精神較健。家中老幼平安，不勝欣幸。遊子在外最重惟『平安』二字。

承叔父代辦壽具，兄弟感恩，何以圖報。湘澧帶漆必須多帶。此物難辨真假，不可邀人去同買，反有奸弊。在省考試時，與朋友問看漆之法，多問則必能知一二。若臨買時向紙行邀人同去，則必吃虧。如不知看漆之法，則今年不必買太多，待明年講究熟習，再買不遲。

今年漆新壽具之時，祖父母壽具必須加漆，以後每年加漆一次，四具同加。約計每年漆錢多少，寫信來京，系付至省城甚易。

此事萬不可從儉。子孫所謂報恩之處，惟此最爲切實。其餘皆虛文也。孫意總以厚漆爲主，由一層以加至數十層，愈厚愈堅。不必多用瓷灰夏布等物，恐其與漆不相膠黏，歷久而脫壳也。

然此事未嘗經歷講究，不知如何而後盡善。家中如何辦法，望四弟詳細寫信告知，更望叔父教訓諸弟經理家事。

心齋兄去年臨行時言到縣卽送銀廿八兩至我家。孫因十叔所代之錢，恐家中年底難辦，故向心齋通報，因渠曾拂過孫的。今渠既未送来，則不必向渠借也。家中目下數用不缺，此孫所第

曾文正公家書 卷一

一一

一故心者。孫在京已借銀二百兩。此地通挪甚易。故不甚窘迫。恐不能顧家耳。

曾孫姊妹二人體甚好。四月廿三日已種牛痘。牛痘萬無一失。

廣東官設局濟活貧家嬰兒。不取一錢。茲附回種法一張。敬呈。慈覽。

湘潭長沙皆有牛痘公局。可惜鄉間無人知之。

英東去年攻占浙江寧波府及定海鎮海兩縣。今年退出寧波。攻占乍浦。極可痛恨。京城人心安靜。如無事時。想不日可殄滅也。

孫輩舉。

道光二十二年六月初十日

孫男國藩跪稟父母親大人萬福金安。

四月廿七日呈家信第七號內共四信。不知已收到否。

孫兄弟在京平安。孫婦身體如常。曾孫兄妹二人種痘後現花極佳。男

種六顆出五顆。女種四顆出三顆。並皆清吉。寓內上下平善。

逆夷海氛甚惡。現在江蘇滋擾。寶山失守。官兵退縮不前。反在民間騷擾。不知何日方可盡平。天津防堵甚嚴。或可無慮。

同鄉何子貞全家住南京。聞又將進京謝恩。堂太守(興岐)於六月初進京。意欲捐復。多恐不能。鄭莘田(世任)放貴州貴西道。黎楨喬轉京畿道。同鄉京官絕少。

孫在京光景雖艱。而各處通挪。從無窘迫之時。但不能寄贊回家。以奉甘旨。之需。時深愧悚。

前寄告徵一表。叔言將代作墓誌。刻下質無便可寄。

慈妹移居後。究不知光景如何。孫時帶墨念。若有家信來京。望詳明書示。孫在京自當謹慎。足以仰慰慈慮。孫謹稟。

道光二十二年六月初十日

男國藩跪稟父母親大人萬福金安。

六月廿八日接到家書。係三月廿四日所發。知十九日四弟得生子。男等合室相慶。四妹生產雖難。然血脈亦是常事。且此次既能保全。則下次較為容易。男未得信時。情以為慮。既得此信。如釋重負。

六月底。我縣有人來京捐官。王道僅。渠在寧鄉界住。言四月縣啟時。渠在城內。並在彭興岐(雲門寺)丁信風兩處面晤四弟。第六弟知案首是吳定。五十三年前在陳氏宗祠讀書。定五繪發蒙。作起講在楊畏齋處受業。去年聞吳春閑說定五甚為發驚。今果得志。可謂成就甚速。其餘前十名及每場題目。渠已忘記。後有信來。乞四弟寫出。

四弟。第六弟考運不好。不必望懷。俗語云:「不怕進得遙。只要中得快。」從前邵丹峯前輩(甲名)四十三歲入學。五十二歲作學政。現任廣西瀘臺汪朗渠(鳴相)於道光十二年入學。十三年點狀元。阮芸臺(元)前輩於乾隆五十三年縣府試。皆未取頭場。即於其年入學中舉。五十四年點翰林。五十五年留館。五十六年大考第一。比放浙江學政。五十九年陞浙江巡撫。些小得失不足。患養之不精耳。兩弟場中文若得意。可將原卷領出。

寄京若不得意不寄可也。

男等在京平安。紀澤兄妹二人體甚結實，皮色亦黑。

逆夷在江蘇滋擾，於六月十一日攻陷鎮江，有大船數十隻

在大江遊弋。江寧揚州二府頗可危慮。然而天不降災，聖人在上，故京師人心鎮定。

同鄉王翰城（繼賢，鶴陽人，中書科中書）告假出京。男與陳岱雲亦擬送家眷南旋。與鄭莘田、王翰城四家同隊出京。鄭名世任，給事中，現放貴州貴西道。男與陳家本於六月底定計，後於七月初一請入扶乩（另紙錄出大仙示語）似可不必輕舉妄動，是以中止。現在男與陳家仍不送家眷回南也。

同縣謝果堂先生（興曉）來京，爲其次子捐鹽大使，男已請至寓陪席。其世兄與王道撻尚未請，擬得便亦須請一次。

正月間，僉岱青先生出京，男寄有鹿肺一方，託找彭山峯轉寄。後託謝吉人轉寄，不知到否？又四月託李壽岡（榮燦）寄銀，寄筆託曹西垣寄，並交陳季收處，不知到否？

前父親教男養鬚之法，男僅留上唇鬚，不能用火浸透，色黃者多，黑者少。下唇擬待三十六歲始留。男每接家信，嫌其不詳，嗣後更願詳示。男謹稟。

道光二十二年八月初一日

孫男國藩跪稟祖父母大人萬福金安：

七月初五日發第九號信，內言六月廿四後孫與岱雲意欲

送家眷回南，至七月初一謀之於神，乃決計不送。初五日發信，至初八日，九弟仍思南歸，其意甚堅，不可挽回。與係商量，孫卽不復勸阻。

九弟自從去年四月父親歸時，即有思歸之意；至九月間，則歸心似箭。孫苦苦細問，終不明言。其所以然，年少無知，大抵厭常而喜新。未到京，則想京既到京，則想家，在所不免。又家中僕婢或對孫則恭敬，對弟則簡慢，亦在所不免。

孫於去年決不許他歸，嚴責曲勸千言，萬語，弟亦深以爲然，幾及兩月，乃決計不歸。今年正月病中，又思歸，孫卽不敢復留矣。三月復元後，弟又自言不歸，四五六月讀書習字，一切如常。至六月底，因孫有送家眷之說，而弟之歸輿又發。

孫見其意是爲遠離膝下，思歸盡服事之勞，且逆夷滋擾，外間訛言可畏，雖明知最爾輕臂不足以當車轍，而九弟旣非在外服官，卽宜在家承歡，非同有職位者，聞警而告假，使人笑其無膽，薦其無義也。且歸心旣動，若強留在此，則心如懸旌，不能讀書，徒廢時日，兼此數層，故孫卽定計打發他回，不復禁阻。恰好鄭莘田先生名（世任長沙人，癸酉拔貢，小京官，由御史升給事中，現放貴西兵備道），將去貴州上任，迂道走湖南省城，定於十六日起程，孫卽將九弟託他結伴同行。

此係初八九起議，十四始決計，卽於數日內將一切貨物辦齊，十五日僱車。鄭宅大車七輛，渠已於十三日僱定。九弟僱轎車

一輛，價錢二十七千文。時價轎車本只要二十三千，孫見車店內

有頂好官車一輛，牲口亦極好，其車較常車大二寸，深一尺，坐着最舒服，故情願多出大錢四千。恐九弟在道上受熱生病，僱底下人名向澤，其人新來，未知好歹，觀其光景似尚有良心者。（昨九弟出京七日在任邱縣寄信來京云：『向澤伺候甚好。』）

十六日未刻出京，孫送全城外二十里，見道上有積潦甚多，孫大不放心，恐路上有翻車陷車等事，深爲懊惱。廿三日接到弟在途中所發信，始稍放心。茲將九弟原信附呈。

孫交九弟途費紋銀三十二兩整，先日交車行上腳大錢三千五百文及上車現大錢六千文兩項，在外買貨物及送人東西，另開一單。九弟帶回外封銀十兩，敬奉堂上六位老人吃肉之質。孫對九弟云：『萬一少途費，即扯此銀亦可；若到家後，斷不可以他事借用此銀。』然途費亦斷不至少也。

向澤訂工費大錢一千文，已在京交楚。鄭家與九弟在長沙分隊，孫囑其在省換小船到縣，向澤卽在縣城開銷。他向澤意欲送至家，如果至家留住幾天，打發求祖父隨時斟酌。

九弟自到京後，去年上半年用功甚好，六月因甲三病耽擱半月餘，九月弟欲歸，不肯讀書，耽擱兩月；今春弟病就擱，兩月其餘工夫或作或輟，雖多間斷，亦有常進。計此一年半之中，惟書法進功最大，外此則奇編、鑑冊六本，讀禮記一本，讀周禮一本，讀斯文精萃兩本半（因周禮讀不熟，故換讀精萃），作文六十餘篇。

讀文三十餘首。

父親出京後，孫未嘗按期改文，未嘗講書，未能按期點詩文，此孫之過無所逃罪者也。讀文作文，全不用心，凡事無恆，屢責不改，此九弟之過也。好與弟談倫常講品行，使之擴見識，立遠志，目前已頗識爲學之次第，將來有路可循。此孫壞對祖父者也。待兄甚敬，待姪輩甚慈，循規蹈矩，一切匪彝情，事毫不敢近舉止，大方性情，厚此弟之好處也。弟有最壞之處在於不知艱苦，紀本輕，又未嘗辛苦，宜其不知。再過幾年，應該知道。

九弟約計可於九月半到家。孫恐家中駭異，疑兄弟或有嫌隙，致生憂慮，故將在京出京情形述其梗概，至瑣細之故，九弟到家詳述，使堂上大人知孫兄弟絕無纏介之隙也。

孫身體如常，惟常耳鳴，不解何故。孫婦及曾孫兄妹二人皆好。丫鬟因其年已長，其人太姦，已與媒婆發換一個（京城有官媒婆，凡買妾買婢皆由他經紀），彼此不找一錢。此婢名雙喜，天津人，年十三歲，貌比春梅更麗，而略聰明。寓中男僕皆如故。

同縣謝東堂先生爲其子捐鹽大使（王恒信之姪）捐府經歷黃鑑之子捐典史，以外無人。

孫在京一切自宜謹慎，伏望堂上大人放心。孫謹稟。

道光二十二年八月十二日

文精萃兩本半（因周禮讀不熟，故換讀精萃）作文六十餘篇。

八月初二日發第十號家信，內載九弟南旋事甚詳，不審到

否。九弟自七月十六日出京，念三即有信來京，嗣後在道上未發信來。刻下想已到樊城矣。不知道上果平安否？男實難放心。

黃河決口百九十餘丈，在江南桃源縣之北，爲患較去年河南不過三分之一。

逆夷在江南半月內無甚消息，大約和議已成。

同縣有黃鑑者，爲戶外官化巡檢，去年回家在湘鄉帶一老嫗來京，因使用不合，仍託人攜帶南歸，現寄居男寓，求男代覓地方附回，途費則黃自出。

謝果堂先生已於八月初六出京，住京兩月，與男極相投洽，臨別依依難捨。同鄉如唐鏡海、俞岱、謝果堂三前輩皆老成典型，於男皆青眼相待。何子貞全家皆已來京，男婦及孫男女身體如常。

此次摺差於七月十六在省起身，想父親彼時尚在省城，不知何以無信？陳岱、雲家信言學院十六封門，四弟第六弟府考渠亦不知。

彭玉姑家誌銘，九弟起程時，倉卒未及寫，今寫畢，又無便寄，求告知徵一表叔。

正月十二所辦壽具，不知已漆否？萬不可用黃二、漆匠；此人男深惡之，他亦不肯盡心也。彭宮五亦不可用，彼未學過，且太遲鈍。餘俟續稟。男謹稟。

孫男國藩跪稟祖父母大人萬福金安：

九月十三日接到家信，係七月父親在省所發，內有叔父信及歐陽牧雲致函，知祖母於七月初三日因佔犯致恙，不藥而愈，可勝欣幸。高麗參足以補氣，然身上稍有寒熱服之便不相宜，以後務須斟酌用之。若微覺感冒，卽忌用此物。平日康強時和入丸藥內服最好。然此時家中想已無多，不知可供明年一單丸藥之用否？若其不足，須寫信來京，以便覓便寄回。

四弟六弟考試又不得志，頗難爲懷；然大器晚成，堂上不必以此置慮。聞六弟將有夢熊之喜，幸甚！近叔父爲孀母之病勞苦憂鬱，有懷莫宣。今六弟第一案得第，則叔父含飴弄孫，瓜瓞日蕃，其樂何如！

唐鏡海先生德望爲京城第一，其令嗣極孝，亦係兒子承繼者。先生今年六十五歲，得生一子，皆以爲盛德之報。

英夷在江南撫局已定，蓋金陵爲南北咽喉，逆夷既已扼吭而據要害，不得不權爲和戎之策，以安民而息兵。去年逆夷在廣東曾經就撫，共費去六百萬兩，此次之費，外間有言二千一百萬者，又有言此項皆勸紳民捐輸不動帑藏者，皆不知的否？現在夷船已全數出海，各處防海之兵陸續撤回，天津亦已撤退。議撫之使係伊里布、耆英及兩江總督牛鑑三人。牛鑑有失地之罪，故撫之局成後，卽革職拿問。伊里布去廣東代奕山爲將軍，耆英爲兩江總督。

道光二十二年九月十七日

自英夷滋擾，已歷一年，將不知兵，兵不用命，於國威不無少損。然此次議撫實出於不得已，但使夷人從此永不犯邊，四海宴安，堵則以大事小，樂天之道，孰不以爲上策哉？

孫身體如常。孫婦及曾孫兄弟並皆平安。同縣黃曉潭（鑑）薦一老嫗（吳姓）來，棲在湘鄉，苦誣他來，而其妻凌虐婢僕，百般慘酷，黃求孫代爲開脫。孫接至家住一月，轉薦至方廳卿太守（宗鈞），處託其帶回湖南，大約明春可到湘鄉。

今年進學之人，孫見題名錄，僅認識彭惠田一人，不知廿三四都進人否。謝寬仁、吳光熙取一等，皆少年可慕。二等第一題名錄刻黃生平，不知即黃星平否？

孫每接家信，常嫌其不詳，以後務求詳明。雖鄉間田宅婚嫁之事，不妨寫出，使遊子如神在里門。各族戚家尤須一一示知，幸甚！敬請父母大人萬福金安。餘容後呈。孫謹稟。

道光二十二年九月十八日

四位老弟足下：

九弟行程計此時可以到家。自任邱發信之後，至今未接到第二封信，不勝懸懸。不知道上不甚艱險否？

四弟第六弟院試，計此時應已有信，而摺差久不見來，實深懸望！

予身體較九弟在京時一樣，總以耳鳴爲苦，問之，吳竹如云：『祇有靜養一法，非藥物所能爲力。』而應酬日繁，予又素性浮

躁，何能着實靜養。擬搬進內城住，可省一生無謂之往還，現在尙未找得。

予時時自悔，終未能洗滌自新。九弟歸去之後，予定剛日讀經，柔日讀史之法，讀經常懶散，不沈着。讀後漢書，現已丹筆點過八本，雖全不記憶，而較之去年讀前漢書，領會較深。

九月十一日起，同課人議，每課一文二詩，即於本日中刻用白摺寫。予文詩極爲同課人所贊賞，然予於八股絕無實學，雖感諸君獎許之懇實，則自愧愈深也。待下次摺差來，可付課文數篇回家。予居家懶做考差工夫，即借此課以摩厲考具，或亦不全臨場窘迫耳。

吳竹如近日往來極密，來則作竟日之談，所言皆身心國家大道理。渠言有寶蘭泉者（塘雲南人），見道極精，當平實。鑒亦深知予者，彼此現尙未拜往。

竹如必要予搬進城住，蓋城內鏡海先生可以師事，倭良峯先生、寶蘭泉先生可以友事。師友夾持，雖懦夫亦有立志。予思朱工夫全未用猛火煮過，雖略有見識，乃是從悟境得來，偶用功亦不過優游玩索已耳，如未沸之湯，遽用慢火溫之，將愈煮愈不熟矣，以是急思搬進城內，屏除一切，從事於克己之學。

鏡海良峯兩先生亦勸我急搬，而城外朋友，予亦有思常見者，數人如鄧蕙西、吳子序、何子貞、陳岱雲是也。